

訖還入室東首而卧取粉自飾通身令匝仍
摩兩掌令熱拭面二七過微視曰

天玄炁清我身已精塵穢消除九九受靈使
我變易還反重形引炁三十六咽都止行此
之道三年故形皮膚悉脫華骨更生體映玉
光而發金容此衆道之妙法不傳於非真輕
泄七祖被拷長沒鬼官學者密修尅得神仙
受度命迴年之道當依科師弟子各齋九日
或三日或五日資盟隨年之繪年一尺金人
二兩四銖一形普九天度命代形之信不盟
而修道不降感思不啓靈違科犯禁者屬右
官奉者明自慎焉西城真人於陽洛宮授魏
華存令封一通於陽洛之山

洞真金房度命錄字週年三華寶曜內真上經

洞真太上上清內經

內七

上清高真元始天王時與五老上帝九天真
五十方大聖衆無極至真諸君丈人同於赤
明世界栢陵舍中坐香園之中長祭之下天
王迴駕諸天降席是時雲霧鬱鬱四景冥合
九日九夜玄陰不解天地無光有如龍漢之
前幽幽冥冥五老上真前進作禮上白
天尊今日侍座所未嘗經天尊出遊諸天傾
駕上帝高真神仙玉女日月星宿璇璣玉衡
三界官屬五嶽山神河海水帝一切神靈莫
不極肅侍衛天真當時天朗氣清風不搖條
地無飛塵河海靜默山嶽藏煙時和炁定使
生死同歡而閉天光明白日晝陰天人惶怖
四座不寧不審何故所緣如是願垂告誨令
衆見明饒益一切普得安全天王上真元始
天尊告白今日同座歡樂難過天發瑞應自
然玉字金書煥爛障蔽天光未通之始致如
晝冥日慶時合希所嘗有今當爲四衆開天
妙真九天正名真諱以度上真之人應得道
之身咸令一心念真閉目伏地於是大聖高

仙十方衆真大衆死執數衆不可勝計同時
伏地聽命俄頃之間天炁朗除冥闇豁消五
色光明洞徹十方忽有天書自然空生字方
一丈自然而見虛空之上空玄之內五色光
中文彩煥爛八角垂芒精光亂眼不可得看
元始天尊普告四座十方無極大衆此是靈
書九天真諱合和之炁空生自然九天所說
者與難可尋詳吾昔付真人口訣秘於洞房
金華之宮今以告子克得上真與道合體非
朝則夕明慎閉口修而行之


元始告太上大道君曰妙道宜明便可注筆
解其正音使皇道既暢澤被十方周歷八極
六合之內六合之外脫有靈瑞應運宿植重
緣有合真之人宜以告乎上仙上白
天尊元始天王曰輒當因流揚波乘風鼓旗
自隨運轉輪億劫以來屢經侍座教導一切
初未如今日遭值聖通開諸法門得見天書
自然至真骨相應圖合五和之音非愚情短
思所能洞明今既厠座仰祈觀玄不敢藏情
輒當乘範周歷八極六合內外按所見書傳

冀萬有一合稽首奉命而作頌曰

元始開大有落落諸天明妙哉龍漢道八會
結成經煥爛飛空內流光三界庭神真啓靈
會玉宇應景生天真通妙趣五和合成章朗
朗玉音響飄飄華上清開度無終始九幽受
光明魏魏大法門教導一切生斯功不可勝
歡樂慶萬齡
上清九天真名大符佩身昇仙飛行上法



高上空玄元始丈人自然精光玉寶符
第一真名混法度應得道之人



高上九玄元始天王虛生結精通光玉符
第二真名洞法度應得道之人



高上太空九天丈人玄生玉精凝靈保真符
第三真名開法度應得道之人



高上玄虛九天真玉空生自然清流保仙符
第四真名明法度應得道之人



高上空洞混化九天道父精生天通氣符
第五真名道法度應得道之人



高上空生虛无自然九天真母九微道黃精符
第六真名泚法度應得道之人



高上玉寶太真丈人三炁紫靈符
第七真名闡法度應得道之人



高上紫映九霄太真飛靈自生神符
第八真名喘法度應得道之人



高上玉虛萬始先生玄靈紫霞昇幽符
第九真名浪蘭法度應得道之人




右九天真名金訣真符法度上仙不度中仙
得深寶秘藏之金匱勿妄示人有風刀之考


贊單先量天八生自然寶符
姓諱杓確真訣



禪善無量壽天王真虛生混成靈符
姓諱隨杓勒真訣




梵監天三炁龍胎玉靈神水生自然符
姓諱提頭羅真訣



梵術天道真空九微鳴水素元之符
姓諱攜仕度真訣



不驕樂天九虛玄生天水飛靈元精符
姓諱須持真訣



化應聲天王寶洞徹左契命保真符
姓諱蘇越真訣



鬱寶天虛明左契神化通神五符
姓諱務雲梓真訣




梵摩迦夷天玄空玄上元三炁化自然符
姓諱疑泓真訣



波梨答怒天九炁生身三景清微飛空符
姓諱靈淵真訣

右高上九天真王真姓真諱法應度得道之
人不度中仙閉口奉修藏之洞房金華宮中
勿妄示人泄露祕諱身設九泉明慎奉行




東方青帝玉司上元玄靈自然道度仙符
姓諱區更生真訣



南方赤帝玉司玄天靈元皇微王真符
姓諱祝昌中真訣



西方白帝玉司中元皇靈凡化生八炁紫仙
金符 姓諱辱曲正真訣



北方黑帝玉皇元靈都虛微八道金真玉符 姓諱玄尹豐真訣



中央黃帝玉司三元靈微正黃書真生之符 姓諱王真真訣

右九天五方玉司姓名秘於九天之上結十方真炁合和五方自然之炁結而凝精成真姓名以為佩帶於三十二天之中科簡脫有合仙之人骨相應圖依立玄都具格盟天金繪誓心奉經之心至然後而告若得身佩九天真王自然真名姓諱之人必得上仙不旬月朔但精心信向勿不精勤深藏金華洞房之宮閉口奉修勿以輒傳泄露真名考沒爾身上學之士詳慎奉行
太上黃中理炁九微玄城精既太和主食

兼光逝九天長竿靈符愛中元上真來監交上元赤子總近生下元大人使千靈玄上飛真主養生高上元君益天精紫微末官稱太平猛獸四衛爾形軀我九口長牙天聖四目首吞虎平河食金柱八風吹海張炎叩禮山焦禽剝擊齒銜蛇攫天指萬父八文蛇年喻辰斗梅丘走高牙芥芥狂目啖石街豹舞師子金頭食鬼荷張山栢地雷鳴獸電天牛破山踐躡百靈行飛走附強禽在我備爾神長益炁命付魂行海及丘山使天獸促爾身太上真大人保長生得神仙登九微玄
右三清紫素元君上真撰出真文以為迴文高上元君以此真文度三十二天中紫微上官宿有玄名帝簡者應補上仙之人不傳中仙地仙不得參聞自元嵩劫植福福流今身終不得見若有得者尅獲上仙骨肉俱飛此真訣要傳上清紫臺玄闕宿有金名玉簡者受文而不學要自成仙一名太真陰陽靈錄一名九流真書此真訣死所不辟死所不除

學上仙之道要須受佩勿妄示人有風刀之拷一依四極明科之制

洞真太上清內經

四七

九

110521A12770